

四庫全書

經部

欽定四庫全書

經部

書儀卷一至五

詳校官監察御史臣王爾烈

給事中臣溫常綬覆勘

總校官編修臣王燕緒

校對官中書臣徐步雲

謄錄監生臣吳人麟

欽定四庫全書

經部四

書儀目錄

禮類六  
雜禮書之屬

卷一

表奏

公文

私書

家書

卷二

冠儀

卷三

婚儀上

卷四

婚儀下

卷五

喪儀一

卷六

喪儀二

卷七

喪儀三

卷八

喪儀四

卷九

喪儀五

卷十

喪儀六

欽定四庫全書

經部四

書儀

禮類六 雜禮書之屬

提要

臣等謹按書儀十卷宋司馬光撰考隋書經籍志  
謝元有內外書儀四卷蔡超有書儀二卷以至王  
宏王儉唐璵皆有此著又有婦人書儀八卷  
僧家書儀五卷蓋書儀者古私家儀注之通  
名崇文總目載唐裴莖鄭餘慶宋杜有晉劉

岳尚皆用斯目光是書亦從舊稱也凡表奏公文私書家書式一卷冠儀一卷婚儀二卷喪禮六卷朱子語錄胡叔器問四先生禮朱子謂二程與橫渠多是古禮溫公則大抵本儀禮而參以今之所可行者要之溫公較穩其中與古不甚遠是七分好又與蔡元定書曰祭禮只是於溫公書儀內少增損之云云則朱子固甚重此書後朱子所修祭儀為人



竊去其稿不傳則此書為禮家之典型矣馬  
端臨文獻通考載其父廷鸞之言謂書儀載  
婦入門之日即拜先靈廢三月廟見為非禮  
引朱子語錄以為惑於陳鍼子先配後祖一  
語又謂檀弓明載殷練而祔周卒哭而祔孔  
子善殷而云周已戚書儀載祔廟在卒哭後  
於禮為太遽案杜預左傳注謂逆婦必先告  
廟而後行故楚公子圍稱告莊共之廟鄭忽

先逆婦而後告廟故謂先配而後祖其事與  
廟見無關光未必緣此起義又古者三月廟  
見乃成為婦故有反馬之禮有未及三月而  
死則仍歸葬母家之禮後世於親迎之日即  
事事成其為婦三月之內設有乖忤斷不能  
離婚而逐之設有死折斷不能舉柩而返之  
也何獨廟見之期堅執古義乎至於殷練而  
祔孔子善之其說雖見檀弓考宋史禮志所

載祔廟之儀實從周禮國制如是士大夫安  
得變之亦未可以足咎光也他如深衣之制  
朱子家禮所圖不內外掩襲則領不相交此  
書釋曲袷如矩以應方句謂孔疏及後漢書  
馬融傳注所說似於頸下別施二袷映所交  
領使之正方如今時服上領衣未知領之交  
會處自方疑無他物云云關發鄭注交領之  
義最明與方言袷謂之交郭璞注為衣交領

者亦相符合較家禮所說特為詳確斯亦光  
考禮最精之一証矣禮記大全檀弓忌日不  
樂條下載劉璋之說引司馬氏書儀忌日則  
去華飾之服薦酒食云云此本無之然此本  
首尾完具尚從宋本翻雕不似有所闕佚者  
或劉璋偶誤記歟乾隆四十六年五月恭校  
上

總纂官臣紀昀臣陸錫熊臣孫士毅

總校官 臣 陸費墀

欽定四庫全書

提要

欽定四庫全書

書儀卷一

宋 司馬光 撰

表奏

表奏

元豐四年十一月十二日中書劄子據詳定官制所修  
到公式令節文

表式

臣某言云云臣某誠惶誠懼

賀則云誠懼忤後辭未准此頓首頓首

辭云云謹奉表稱

謝以

聞

稱賀同其辭免恩命及陳乞不用狀者亦准此

臣某誠惶誠懼頓首頓首謹言

年月 日具位臣姓 名 上表

右臣下奏陳皆用此式上東宮牋亦倣此但易頓首為叩頭不稱臣命婦上皇太后皇后准東宮牋稱妾

奏狀式

某司

自奏事則具官

貼黃節狀內事



某事

云云

若无事因者於此便云右臣

右

云云

列數事則云右謹件如前

謹錄奏

聞謹奏

取旨者則云伏候勅旨

乞降付去處

貼黃在年月前

年月

日具位臣姓名

有連書官即依此列位

狀奏

右臣下及内外官司陳叙上聞者並用此式在京臣

寮及近臣自外奏事兼用劄子前不具官事未云取

進止用膀子者惟不用年不全幅不封餘同狀式

皆先具檢本司官畫日親書付曹司為案

本官自陳事者則自

留其案

公文

申狀式

某司

自申狀則具官封姓名

某事云云

有事因則前具其事无所因則便云右某

右云云謹具狀申

如前列數事則云右件狀如前云云

某司謹狀

取處分則

云伏候指揮

年月 日具官封姓名

有連書官則狀  
以次列銜

右内外官司向所統屬並用此式

尚書省司上門下  
中書省樞密院及

臺省寺監上三省樞密院省內諸司  
并諸路諸州上省臺寺監並准此

牒式

某司牒 某司

或某官

某事 云云

牒 云云

若前列數事則云  
牒件如前云云 謹牒

年月 日 牒

列位

三司首判之官一人押  
樞密院則都承旨押

右門下中書尚書省以本省樞密院以本院事相移

並謂非  
被受者

及内外官司非相管隸者相移並用此式諸

司補牒亦同惟於年月日下書書令史名辭末云故

牒官雖統攝而無狀例及縣於比州之類皆曰牒上

寺監於御史臺  
於殿中省准此

於所轄而無符帖例者則曰牒某

司不闕字

尚書省於御史臺祕書殿中省及諸司於  
臺省臺省寺監於諸路諸州亦准此其門

下中書省樞密院於省內諸司臺省寺監官  
司辭末云故牒尚書省於省內諸司准此

私書

上尊官問候賀謝大狀

具位姓 某

右某

述事

謹具狀

上問

尊候

申賀

上事

謹狀

舊錄云

狀上牒件狀如前謹牒狀未姓名下亦云牒此蓋唐末屬寮上官長公牒非私書之體及元豐改式

士大夫亦相與改之

年月

日具位姓

某

狀

封狀上

某位

具位姓

某謹封

重封上顯云

狀上某

所某位下云

謹重封

與平交平狀

具位姓某

右某啓

述事謹奉狀

起居

陳賀陳伏惟

照啓謹狀

月 日具位姓某狀

封皮

用函簽

某位

具位姓

某

謹封

重封

題與大狀同

後

此

皆准此

此

後

此

上書

月日具位某頓首再拜上書某位執事

此上尊官之儀也稍尊則云閣

下平交則云謹致書某位足下凡閣下謂守黃閣者非  
宰相不當也而未俗競以虛名相尊今有謂宰相為閣  
下則必怒以為輕而今人非平交不可施  
矣此無如之何且須從俗此下述事云云  
不宣某頓首  
再拜

某位執事

啓事

某位姓某

右某啓

述事云云

謹奉啓事陳聞

陳賀陳謝隨事

伏惟

尊慈俯賜

鑒念不宣謹啓

月

日具位姓

某

啓上

封皮用  
面簽

某位

具位姓某啓上謹封

前工書封皮  
改啓為書字

上尊官時候啓狀

裴書儀條屬典史起居官長啓狀止如此无如  
公狀之式者裴文有四海吉書分五等以父之  
職掌稍高及妙夫妻兄之屬為稍尊齒爵相敵  
者為平懷年小於已官卑於已及妻弟妹夫為  
稍卑先曾服事及弟子之類為極卑今以裴之  
啓狀為大書四海吉書為書小簡及平日往來  
手簡而微為增損以叶時宜以齒爵極遠者為  
尊官與極卑不甚相遠者為稍卑改平懷為平  
交又令人與尊官書多為三幅其辭意重複殊



无義理凡與人書所以為尊敬者在於禮數辭語豈以多紙為恭耶徒為煩冗而不誠不足法也

某啓暑度推移日南長至

此冬至之儀也正啓祚萬物惟新月朔及非

時起居則各用其月時

伏惟

某位膺時納祐興國

同休

正旦同月朔及非時起居則云尊體起居萬福

某即日蒙

恩事役所縻

有官則云職業有守未獲趨拜

門庭伏乞

上為

廟朝善保

崇重下誠不任詹

依懇禱之至謹奉狀陳賀

月朔及非

時起居則改陳賀為叅候

不宣謹狀

月

日具位姓

某

狀上

某位

座前或云執事執政則云台座執政雖有世契亦不敢叙他人父執則云從表姪上某位幾丈師則

云門生上某位先生非平交不可稱其字後手啓准此

謹空

皮封謹謹上

某位座前或台座

具位姓

某

狀封

上稍尊時候啓狀

平交改卑情不任勤禱之至為用慰勤懷閣下為足下无謹空自餘同

某啓

時候

如前伏惟

某位膺時納祐罄無弗宜

月朔及非時起居則

云尊體萬福

某即日蒙

免未由

覲展伏冀

順時善加

保養卑情不任勤禱之至謹奉狀陳賀

非時起居改陳賀為參候

不宣謹狀

月

日粗銜姓

某

狀上

某位

閣下或云侍史或云左右或云足下若有契素謹則云從表弟上某位幾凡後稍尊手啓准此

空

封狀上

某位

閣下

粗銜姓

某

謹封

與稍卑時候啓狀

極卑止有手簡及委曲无啓狀

某啓

時候如前恭惟

某位膺時納祐罄無弗宜

月朔及非時起居則

卷一  
萬福止 某即日幸如宜未由 展奉惟冀 順時善加

保愛用慰遠懷謹奉狀不宣謹狀

月 日 若有事素表粗銜姓 某 狀上

某位 若有事素則云幾弟

皮狀工 某位 粗銜姓 某 謹封

上尊官手啓 書中小簡亦同但紙尾有日无月去謹奉啓及謹空字

某惶恐頓首再拜 述事謹奉啓不備 備具宣悉據理亦同但世俗有此分

別令須 從衆 某惶恐頓首再拜

某位

座前執政則云台座

月日謹空

封謹謹上

某位

座前台座如啓中

某

啓封

別簡

某啓

或云再啓或云又啓述事云云

某頓首再拜

上稍尊手啓

書中別簡如小簡及大官

某再拜

述事云云謹奉啓不宣

某再拜

某位

閣下或云侍史或云左右若其人知州府則云鈐下月日

封啓上

某位

閣下等如啓中

某

謹封

與平交手簡

書中小簡同別簡直述事末云頓首

某啓

述事云云不宣

某頓首

某位

足下或云左右

日

皮封手啓上

或止云啓上

某位

某

謹封

與稍卑手簡

書中小簡同凡書啓若不能一一如儀寧於平交用稱尊不可用稍卑

某啓

述事云云不宣

某

洛白

某位

日

皮封簡呈

某位

某

謹封

謁大官大狀

具位姓 某

右某謹詣

門屏祇候

起居

參謝賀辭遠隨事已欲他適往辭人曰辭

人欲他適已往別之曰攀遠

某位伏聽處分謹狀

舊亦云牒件狀如前謹牒狀未

姓名下又云牒元豐改式士大夫亦改之

年月

日具位姓

某

狀

謁諸官平狀

具位姓 某

右某祇候

世俗皆云謹祇候按謹即起居隨事按祇

起居

謝賀辭違

候某人起居乃語自唐末以來皆以云祇候起居某人今從衆某位謹狀

月 日具位姓 某 狀

平交手刺

大約如此改臨時

某爵

无爵者言官

某里姓某

无官者止稱鄉里此平生未曾還者也若已相識則去爵里

往還熟則去姓專謁

見

謝賀辭別隨事

某位 月日 謹刺

名紙



取紙半幅左卷令緊實以線近上橫繫之題其陽面凡  
紙吉儀左卷題於左掩之端為陽面  
凶儀右卷題於右掩之端為陰面云鄉貢進士姓名

### 家書

上祖父母父母

上外祖父母改孫  
為外孫著姓餘同

某啓孟春猶寒

時候  
隨月伏惟

某親尊體起居萬福

時往

來書

云云某在此與新婦以下各循常

若有尊長在此則於  
與新婦字上添侍奉

某親康寧外字

乞不賜遠念

凡此皆平安之儀若有不安者即  
不用此語後准此下述事云云

未由省侍伏乞倍加

調護下誠不任瞻戀之至謹

奉狀不備孫

子男則稱男  
女則稱女

某再拜上

某親

几前

皮謹

謹上

某親

几前

孫

同男女

某

狀封

重

平安家書附上

封 某州某縣姓某官

凡人得家書喜懼相半故平安字不可闕使見之則喜後

家書重

封 此孫男女同

粗銜某謹重封

上內外尊屬

謂伯叔祖父母伯叔父母姑舅妯娌夫姨母妻之父母

改起居為動止省侍為覲省調護為保重瞻戀為瞻仰

几前為座前姪甥壻隨所當稱惟與妻之父母書不稱

新婦稱封邑無封邑則改新婦以下為家中骨肉

謂古人

為阿郎謂母為孃子故劉岳書儀上父母書稱阿郎孃子其後奴婢尊其主如父母故亦謂之阿郎孃子以其主之宗族多故更以行第加之今人與妻之父母書稱其妻為幾娘子殊亂尊卑名不正則言不順士君子宜有以餘皆如上父母書

上内外長屬

謂兄弟姊妹表兄弟姊妹及姊夫妹與嫂亦同

改尊體起居萬福為動止康和乞不賜遠念為幸不念及省侍為叅省伏乞倍加調護為為國保燮下誠不任瞻戀之至為卑情不勝依戀弟妹内外弟妹隨所當

稱劉岳書儀云舅之子稱內弟不書姓姑几前為左右

狀為啓餘如上父母書

封啓上 某親 弟 某 謹封

與妻書

某洛春寒

春暄夏熱秋熱秋涼冬寒隨時

動履清勝

或云常勝

某此粗遣免

迷事不悉

裴儀作不具令從弟妹法

某書達某邑封

裴儀云某狀通幾娘子足下於

理亦似未安若元月日封邑宜稱其字

封書達 某邑封

某謹封重封云平安家書附至本宅

與內外卑屬

謂弟妹表弟妹

幾弟

妹則云幾妹

春寒

寒暄隨時

想與諸尊幼

或云長幼隨事

休宜兄此

粗常

述事云云

不悉兄報某親

月

日

封書寄幾弟

親弟妹不空表弟妹空

兄手書

表弟妹云表兄姓某謹封以下書皮重封

皆同重親弟妹云平安家書附至某州某縣幾某官處无官封則云幾弟處表則云書附至某州某縣幾某官

處粗銜姓押重封

表弟云謹重封

與幼屬書

謂兄弟之子孫

告幾某官春寒

寒隨時暄

想汝與諸尊幼

或云長

吉健翁伯

或

或此與骨肉並如常

述事云云

不具翁

餘親准此

裴儀與兒及孫姪等書其未嘗

云及此不多令以與詔語相涉更改從俗

告幾某官省

月日

皮封書付幾某官

翁

餘親准此

封

重封如卑屬

與子孫書

告名

子孫名也

春寒

寒隨時暄

想汝與諸幼

卑幼隨事

吉健

述先時往來書

此與骨肉並如常

述事云云

不具翁

父同

告名省

皮封委曲付名

翁

父同

封

重封

平安家書附至  
某州某縣付孫名

同

粗銜姓

押

重封

與外甥女壻書

封皮重封與  
表弟妹同

某咨春寒

寒暄  
隨時

想與尊幼如宜

與女壻者云與幾  
姐及外孫如宜

某此

粗常述事

不悉某咨

姓甥某官

壻云  
某郎

月

日

婦人與夫書

婦人與諸親書皆與男子同於子孫之婦稱吾  
於夫家尊長稱新婦某氏於卑幼稱婆稱伯母

叔母或稱老婦於已家尊長稱兒於卑幼稱姑  
稱姊於外人不當通書若不得已通書亦當稱

新婦今人皆稱兒非也上舅姑書如父母但改  
新婦以下稱其夫官而已與妯娌書如長屬其  
未自稱如某氏弟某氏與子孫書云告幾新婦  
餘如與子孫書其與尊長者雖有封邑不敢稱  
之古者婦人謂夫曰君自稱曰妾今夫與妻書  
稱名妻與夫書稱妾乃其缺梁鴻相推敬之道  
也

妾啓春寒

寒暄

動止康和

或云康勝

妾即此蒙

免諸幼無

恙

此平安之儀也若已不安則不云蒙免子孫不宣妾  
有不安者則不云諸幼无恙此下述事云云

上某官

侍者无官  
則稱良人月日

封狀上

某官

邑封某

氏妾

謹封



與僕隸委曲

僕隸上郎主當依公狀式

姓名

僕隸姓名也述事云云

不具委曲付姓名

封委曲付姓名

押

封

書儀卷一

欽定四庫全書

書儀卷二

宋 司馬光 撰

冠儀

男子年十二至二十皆可冠

冠義曰冠者禮之始也。是故古之道也。成人之道者。

將責成人之禮焉也。責成人之禮焉者。將責為人子弟為人臣為人少者之行也。將責四者之行於人。其禮可不重與。冠禮之廢久矣。吾少時聞村野之人尚有行之者。謂之上頭城郭則莫之行矣。此謂禮失求諸野者也。近世以來。人情尤為輕薄。生子猶飲乳。已加巾帽。有官者或為之製公服而弄之。過十歲猶總角者。蓋鮮。

矣彼責以四者之行豈知之哉往往自幼至長愚騃如一由不知成人之道故也吉禮雖稱二十而冠然魯襄公年十二晉悼公曰君可以冠矣今以世俗之弊不可猝變故且徇俗自十二至二十皆許其冠若敦厚好古之君子俟其子年十五已上能通孝經論語粗知禮義之方然後冠之斯具美矣必父母無期已上喪始可行之而婚皆嘉禮也魯子問冠者至聞齊功之末可以冠子可以喪服而冠者恐於今難行其禮可冠也曾子問有因喪服而冠者恐於今難行其禮主人盛服之為人謂冠者之祖父及諸父諸兄凡男子執笏无官者具幘頭靴襪或衫帶各取其親臨筮曰於平日所服最盛者後婚祭儀盛服皆准此親臨筮曰於影堂門外西向古者大事必決於卜筮灼龜曰卜揲著曰筮夫卜筮在誠敬不在著龜或不能

曉卜筮之術者止用杯琰亦可也其制取大竹根判之或止用兩錢擲於盤以一仰一俯為吉皆仰為平皆俯

為凶後婚喪祭儀卜筮准此開元禮自親王以下皆筮日筮賓不用卜此云西向据影堂門南向者言之私家

堂室不能一如此但以前為南後為北左為東右為西後婚喪祭儀中凡言東西南北者皆准此若不

吉則更筮他日凡將筮日先謀得暇可行禮者數日然後筮取其吉者用之前期三

日筮賓如求日之儀凡賓當擇朋友賢而有禮者為之亦擇數賓取吉者或不及筮日筮

賓則曰擇其可者而已乃遣人戒賓士冠禮主人自戒賓宿賓今欲從簡但遣子弟若童僕致

命或使者不能記其辭則為如儀中之辭後云某上一辭為一紙使者以次達之賓答亦然後致辭皆倣此

曰某主人名也使者不欲斥主人名即稱官位或云某親有子某子名將加冠於其

子首願吾子之教之也賓對曰某賓不敏恐不能供事

以病吾子敢辭

病猶辱也禮辭一辭而許曰敢辭再辭而許曰固辭三辭曰終辭不許也主

人曰某願吾子之終教之也賓對曰吾子重有命某敢

不從

凡賓主之辭或不以書傳慮有誤忘則宜書於笏記无笏者為掌記後婚喪祭儀皆准此惟納采必

書前一日又遣人宿賓曰某將加冠於某之首吾子將

莅之敢宿賓對曰某敢不夙興

古文宿贊冠者一人今從簡但令賓自擇子弟

親戚習禮者一人為之前夕又有請期告期今皆省之

其日夙興賓主人執事者

皆盛服

執事者謂家之子弟親戚或僕妾凡於行禮者皆是也後稱執事者准此

執事者

設盥盆於廳事阼階下東南有臺悅巾在盆北有架古禮

謹嚴之事皆行之於廟故冠亦在廟今人既少家廟具影堂亦祇臨難以行禮但冠於外廳并在中堂可也士

冠禮設洗直於東榮南北以堂深水在洗東今私家无盥洗故但用盥盆悅巾而已盥濯手也悅手巾也廳事

无兩階則分其中央以東者為阼階西者為賓階无室无房則暫以帘幕蔽其北為室其東北為房此皆據廳

堂南向陳服於房中西牖下東領北上公服靴笏无官者言之

褙次旋襴褙次四褙褙止用一衫若无四褙晉帶擲筮總幪頭則官

擲頭也須幪頭席二在南公服衫設於棨衣架也靴置棨下笏

晉帶筮擲總幪頭置卓子上酒壺在服北次盞注亦置

卓子上幘頭帽巾各承以盤蒙以帕主人執事者三人執之立於堂下西階之西南向東上賓升則東向主人立於阼階下少東西向子弟親戚立於盥盆東西向北

上

親戚預於冠禮者皆謂男子也尊卑共為一列若有僮僕預於執事則立於親戚之後拜立行列皆倣此

擯者立於門外以俟賓

主人於子弟親戚中擇習禮者一人為擯將冠者雙

紒

童子紒似刀錄今袍是也俗所謂襖子勒帛素履多躡

采履將冠可以素履

在房中南向賓至贊者從之立於門外東向

贊者少退擯者以告主人主人迎賓出門左西向再拜



賓荅拜主人與贊者相揖不拜又揖賓乃先入門賓並

行少退贊從賓後入門賓主分庭而行揖讓而至階又

揖讓而升主人由阼階先升立於階上少東西向賓由

賓階繼升立於階上少西東向贊者盥手由賓階升立

於房中西向擯者取席於房布之於主人之北西向此通

長子之禮也衆子則布席於房戶之西南向將冠者出房立於席北南向衆子

立於席賓之贊者取櫛總篋幪頭置於席南端衆子置於席東

端興席北少東西向立衆子則席東賓揖將冠者將冠

者即席西向坐

衆子南向坐

為之櫛合紒施總加幪頭賓降

主人亦降立於阼階下賓禮辭賓盥手畢主人一揖一

讓升自阼階賓升自西階皆復位賓降西階一等執巾

者升一等授賓

古者階必三等於中等相授今則无數但三分其階升降每分一等可也

賓

執巾正容徐詣將冠者席前東向

衆子北向

祝曰令月吉日

始加元服弃爾幼志順爾成德壽考維祺介爾景福乃

跪為之著巾興復位贊者為之取篋掠髮冠者興賓揖

之適房服四襜褕

无四襜褕止用衫勒帛

胛帶出房南向良久

士冠

禮注曰復出房南面者賓揖之即席跪賓盥如初降二

等受帽進祝曰吉月令辰乃申爾服謹爾威儀淑慎爾  
德眉壽萬年永受胡福加之復位如初興賓揖之適房  
服旋襴衫晉帶正容出房南向良久賓揖之即席坐賓  
盥如初降三等受幘頭進祝曰以歲之正以月之令咸  
加爾服兄弟具在以成厥德黃耆無疆受天之慶贊徹  
帽賓加幘頭復位如初冠者興賓揖之適房改服公服  
若靴襴正容出房立南向主人執事者受帽徹擲筥席

入於房擯者取席布於堂中間少西南向

衆子仍贊者故席

取盞斟酒於房中出房立於冠者之南西向賓揖冠者

就席冠者立於席西南向賓受盞於贊者詣席前北向

祝曰旨酒既清嘉薦令芳拜受祭之以定爾祥承天之

休壽考不忘

古者冠用醴或用酒醴則一獻酒則三醴今私家无醴以酒代之但改醴辭甘醴惟

厚為旨酒既清耳所以從簡

冠者再拜於席西升席南向受盞賓復

位東向荅拜冠者即席南向跪祭酒興就席未坐啐酒

啐子對切興降席授贊者盞南向再拜賓東向荅拜冠

少飲酒也

者入家拜見於母母受之

冠義曰見於母母拜之見於兄弟兄弟拜之成人而與為

禮也今則難行但於拜時母為之起立可也下見諸父及凡倣此

賓降階東向主人降

階西向冠者降自西階立於西階東南向賓字之曰禮

儀既備令月吉日昭告爾字爰字孔嘉髦士攸宜宜之

于嘏

嘏古雅切

永受保之曰伯某甫仲叔季惟所當冠者對

曰某雖不敏敢不夙夜祇奉賓請退主人請禮賓賓禮

辭許乃入設酒饌延賓及嬪贊如常儀酒罷賓退主人

酬賓及贊者以幣

端匹丈尺臨時隨意凡君子使人必報之至於婚喪相禮者當有以酬之

若主人實貧相禮者亦不當受也

仍拜謝之

士冠禮乃禮賓以一獻之禮注一獻者主人獻賓而

已即燕無亞獻者

獻酢酬賓主人各兩爵而禮成又曰主人酬賓束帛儷皮注飲賓客而從之以財貨曰酬所

以中暢厚意也束帛十端也儷皮兩鹿皮也又曰贊者皆與贊冠者為介注贊者衆賓也介賓之輔以贊為之

尊之飲酒之禮賢者為賓具次為介又曰賓出主人送於外門外再拜歸賓俎注使人歸諸賓家也今慮貧家

不能辦故務從簡易於賓之請退也冠者東向拜見諸父諸兄父諸

為一列諸兄為一列每列再拜而已下見諸母姑姊倣此西向拜贊者贊者答拜入

見諸母姑姊諸母姑姊皆為之起遂出見於鄉先生鄉

德者及父之執友冠者拜先生執友皆答拜若有誨之者

則對如對賓之辭且拜之先生執友不答拜若孤子冠

士冠禮主人紛而迎賓拜揖讓立於序端皆如冠主則開元禮亦然恐於今難行故須以諸父諸兄主之

明日量具香酒饌於影堂冠者北向焚香跪酒俛伏興

再拜而出

曾子問父沒而冠則已冠掃地而祭於禩已祭而見伯父叔父而後享冠者此謂自為冠

主者也開元禮孤子冠之明日見於廟冠者朝服無廟者見祖禩於寢贊明贊禮者引入廟南門中庭道西北

賓贊再拜訖引出今參用之

筭

女子許嫁筭

年十五雖未許嫁亦筭

主婦女賓執其禮

主婦謂筭者之祖母

母及諸母嫂几婦女之為家長者皆可也女賓亦行之  
釋親戚之賢而有禮者贊亦賓自擇婦女為之

於中堂執事者亦用家之婦女婢妾戒賓宿賓之辭改

吾子為某親或邑封

婦人於婦黨之尊長當稱兒卑幼當稱姑姊之類於夫黨之尊長當

稱新婦卑幼當稱老婦

陳服止用背子無篋幪頭有諸首飾

謂釵

類席一背設於椀櫛總首飾置卓子上冠笄盛以盤蒙

以帕

笄如今采子之類所以綴冠者

執事者一人執之

陪位者及擯亦止於婦女內擇

之擯立於中門內將笄者雙紒襦

襦今之襖子

主婦迎賓於

中門內布席於房外南面

如庶子之冠席

賓祝而加冠及笄贊



者為之施首飾賓揖筭者適房改服背子既筭所拜見者惟父及諸母諸姑凡姊而已

筭祝用冠者始加巾祝字辭去髦士攸宜一句

餘皆如男子冠禮

堂室房戶圖

人家堂室房戶不能一一如此當以帷幕夾截為之

右為西

西階

圖

前為南門

堂牖室

後為北

昨階

知戶房

左為東

深衣制度

名曰深衣者古之男子衣  
裳上下各異惟深衣相連

深衣之制用細布

古者深衣用十五升布  
十縷為升十五升者以一千二百縷

為經也鍛濯謂打洗灰治以灰治之使和熟也今人織  
布不復知有升數衣布者亦不復練但用布之細密與

熟者短無見膚長無被土續衽鉤邊鄭曰續猶屬也衽  
可也短無見膚長無被土續衽鉤邊在裳旁者也屬連

之不殊裳前後也鉤讀如鳥喙必鉤之鉤鉤邊若今曲  
裾也孔曰衽謂深衣之裳以下闊上狹謂之為衽接此

衽而鉤其旁邊即今之朝服有曲裾而在旁者此是也  
衽當旁者凡襟衣之裳十二幅皆寬頭在下狹頭在上

似小要之衽是前後左右皆有衽也今云衽當旁者謂  
所續之衽當身之一旁非所謂餘衽也當旁也云屬連

之不殊裳前後也若其喪服裳前三幅後四幅各自為之不相連也今深衣裳一旁則連之相著一旁則有曲裾掩之與相連无異故云屬連之不殊裳前後也云鈎讀如鳥喙必鈎者案援神契云象鼻必卷長鳥喙必鈎鄭據此讀之也云若今曲裾也者鄭以後漢之時裳有曲裾故以續衽鈎邊似漢時曲裾今時朱衣朝服後漢明帝所為則鄭云今曲裾者是今朝服之曲裾也其深衣之衽已於玉藻釋之故今不復言也案漢書江充衣紗縠禪衣曲裾後垂交輸如淳曰交輸割正幅使一頭狹若燕尾垂之兩旁見於後是禮深衣續衽鈎邊賈逵謂之衣圭蘇林曰交輸如今新婦袍上袪全幅繒角割名曰交輸裁也釋名曰婦人上曰袪其下垂者上廣下狹如刀圭也然則別有鈎邊不在裳十二幅之數亦斜割使一端闊一端狹以闊者在上狹者在下交映垂之如燕尾有鈎曲裁其旁邊綴於裳之右袪尺二寸口袖旁以掩不相連之處禪音丹袪音圭

凡尺寸皆當用周尺度之周尺一尺當今省尺五寸五分弱衣要三袪謂衣袷下垂

尺二寸圓之為二尺四寸三之為七尺二寸假取布一幅二尺二寸則每幅除裁縫各二寸外有尺八寸四幅

合七尺二寸此尺寸皆据中人言之人有長短肥瘦臨時取稱故縫袂於袪袪純之外皆不言尺寸但以膚土

脅齊肘為准也袪音咨縫齊倍要鄭曰縫袂也袂下齊倍劫純之九反齊音咨

曰齊謂裳之下畔要謂裳之上畔言縫下畔之廣倍於要中之廣也案縫者以歲袂衣今俗所謂稍袪是也稍

七違反袪格之高下可以運肘鄭以肘不能出入袪衣奴叶反

謂當臂之處袂中高下宜稍寬大可以運動其肘袂二尺二寸是云運肘也案鄭云袪當掖縫而孔云當臂之

處失其義也蓋為掖下稍袪之長短反詘之及肘鄭曰寬容肘出入耳袪音各

幅於衣屈而至肘當臂中為節臂上下各尺二寸則袂  
肘以前尺二寸孔曰袂長二尺二寸并緣寸半為二尺  
三寸半除去其縫之所殺各一寸餘有二尺一寸半在  
從臂至手二尺四寸今二尺二寸半之袂得反屈及肘  
者以袂屬於衣幅衣幅濶二尺二寸身脊至肩但尺一  
寸也從肩覆臂又尺一寸是衣幅之畔覆臂將盡今屬  
於袷又二尺一寸半故反屈其袂得及於肘也按袂即  
今之所謂袖也鄭云屬幅於衣謂裨於身旁未必皆盡  
一幅二尺二寸也云臂上下各尺二寸者亦據中人為  
率爾如孔所言拘泥太甚况從臂至袂口三尺二寸半  
則反屈之過肘矣經以臂短長適與手齊則反屈及肩自  
但云屈之及肘謂袖之短長適與手齊則反屈及肩自  
然及裳有十二幅交解裁縫深衣曰制十有二幅以應  
肘矣裳有十二幅交解裁縫十二月鄭曰裳六幅分之  
為上下之殺孔曰每幅交解為二是一十二幅也此謂二  
分其幅狹處占狹處濶處占濶處占二交解邪裁顛倒

縫之使狹處皆在上濶處皆在下假使布幅二尺二寸是除裁縫外有一尺八寸則狹處六寸濶處一尺二寸是其人肥大則幅隨而濶瘦細則幅隨而狹要須十二幅下倍於上不必拘以尺寸而袂微圓鄭曰袖口至掖下裁令其勢圓如牛胡下謂從交領方曲深衣如矩以應方鄭曰袷交領也古者方領如今小兒衣領孔曰鄭以漢時領皆向下交垂故云古者方領似今擁咽故人云如今小兒衣領但方折之也如孔所言似三代以前人反如今時服上領衣但方裁之耳案上領衣出朝服須用結紐乃可服不知古人果如此否也鄭注周禮枚狀如箸橫銜之縑潔於項顏師古注漢書縑者結礙也潔統也蓋為結紐而繞項也然則古亦有結紐也縑音獲潔音頡漢時小兒衣領既不可見而後漢馬援傳朱勃衣方領能矩步注引前書音義曰頸下施衿領正方學者之服也如此似於頸下別施一衿映所交領

使之方正今朝服有方心曲領以白羅為之方二寸許  
綴於圓領之上以帶於項後結之或者袷之遺像歟又  
今小兒疊方幅繫於領下謂之涎衣亦與鄭說頗相符  
然事當闕疑未敢從也後漢儒林傳曰服方領習矩  
步者委它乎其中注方領直領也春秋傳叔向曰衣有  
袷杜曰袷領會也二外反曲禮曰視不上於袷鄭曰袷  
交領也然則領之以交會處自方即謂袷疑更深衣又曰  
无他物今且從之以就簡易故以如此論之  
負繩及踝以應直鄭曰繩謂袷與後幅相當之縫也踝  
下相當如繩之正故曰負繩非謂實負繩也案又曰齊  
衣之背縫謂之繫繫音篤踝胡瓦反跟音根  
如權衡以應平鄭曰齊緣用黑繒古者具父母大父母  
純以青三十以下无父者純以素緣廣寸半謂緣袖口  
績繒衣也今用黑繒以從簡易

邊裳之下表裏共用三寸 袷廣二寸

謂緣領表裏共用四寸

玄冠玄冠亦名委

貌如今道士冠而漆之

道士所著本中國之士服不變改者其冠與三禮圖元冠頗相

彷彿故取之

幅巾用黑繒方幅裂緝其邊

後漢名士多雅 大帶

用白繒

古者天子素帶朱裏諸侯及大夫素帶士練帶居士錦帶弟子縞帶案說文素白綴繒也今不

能辨此二者之異於今的為 廣四寸袂縫之黑繒飾其

紳

紳謂帶之垂者古者天子諸侯帶終裨大夫裨垂士下裨裨謂以繒采飾其側人君終竟帶身要在要及垂

皆裨以朱綠大夫裨其紐及末以玄黃士裨其末以緇而已今既無以分大夫士與其僭上寧為偏下故但以

黑繒飾其紳之側

紐約用組廣三寸長與紳齊

紐謂帶交結之處組今之五采



條也。以組約結其紐。所期以黑履白緣。復下曰烏禪履。曰履。周禮烏履。  
用五色近世惟有赤黑二色。赤貴而夏用繒冬用皮。古  
黑賤。今用黑履白緣亦從其下者。夏用繒冬用皮。古  
夏葛屨冬皮屨。今无  
以葛為屨者。故從衆。

書儀卷二

欽定四庫全書

書儀卷三

宋 司馬光 撰

婚儀上

男子年十六至三十女子十四至二十

古禮男三十而娶女二十而嫁

按家語孔子十九娶於宋之元官氏一歲而生伯魚伯魚年五十先孔子卒然則古人之娶未必皆三十也禮蓋言其極至者謂男不過三十女不過二十耳過此為失時矣今令文凡男年十五女年十三以上並聽婚嫁蓋以世俗早婚之弊不可猝革又或孤弱無人可依故順人情立此制使不麗於刑耳若欲參古今之道酌

禮令之中順天地之理合人  
情之宜則若此之說當矣  
身及主婚者無期以上喪

皆可成婚

士昏禮請期之辭惟是三族之  
父已子之昆弟是期服皆不可以  
不虞三族謂

白大功之末可以嫁子然則大功未葬  
亦不可以主昏也今依律文以從簡易  
必先使媒氏往

來通言俟女氏許之然後遣使者納采

弟使者擇家之子

姻當先察其壻與婦之性行及家法何如勿苟慕其富  
貴壻苟賢矣今雖貧賤安知異時不富貴乎苟為不肖

今雖富盛安知異時不貧賤乎孔子謂南容邦有道不  
廢邦無道免於刑戮以其兄之子妻之彼行能必有過

人者故邦有道不廢也寡言而慎事故邦無道免於刑  
戮也擇壻之道莫善於是矣婦者家之所由盛衰也苟

慕一時之富貴而娶之彼挾其富貴鮮有不輕其夫而  
傲其舅姑養成驕妬之性異日為患庸有極乎借使因

婦財以致富依婦勢以取貴苟有丈夫之志氣者能無愧乎又世俗好於襁褓童幼之時輕許為婚亦有指腹為婚者及其既長或不肖無賴或身有惡疾或家貧凍餒或喪服相仍或從宦遠方遂至弃信負約速獄致訟者多矣是以先祖太尉嘗曰吾之男女必俟既長然後議婚婚既通書不數月必成婚故終身無此悔乃子孫所當法也

### 納采

納其采擇之禮

前一日主人謂壻之祖父若父也如無則以即日男家長為之女家主人准此以香酒

脯醢

無脯醢者止用食一二味可也

先告於影堂主人北向立焚香酌

酒俛伏興立祝懷辭

祝以家之子弟為之後准此辭為寫祝文於紙

由主人之

左進東向搢笏出辭跪讀之曰某

壻父名

之子某

壻名

敢告

祝興主人再拜出徹闔影堂門乃命使者如女氏

士婚禮無

先告廟之文而六禮皆行之於禰廟春秋傳鄭忽先配而後祖陳鍼子曰是不為夫婦誣其祖矣楚公子圍娶

于鄭曰國布几筵告于莊共之廟而來然則古之婚姻皆先告于祖禰也夫婚姻家之大事具義不可不告

女家人亦告于祖禰曰某之女某將嫁于某氏如壻

父之儀其日日出

婚禮自請期以上皆用所日出時也

使者盛服執生鴈

左首飾以纁

用鴈為贄者取其順陰陽往來之義若無生鴈則刻木為之飾以纁謂以生色繒交

之絡縛

止于女氏之門外門者入告女家人盛服出迎

揖讓入門揖讓升堂主人立阼階上西向賓立西階上

稍北東向

士婚禮賓升西階當阿東面註云阿棟也入堂深示親親今之室堂必不合禮故稍北而

已賓曰吾子有惠貺室某婿也某壻父有先人之禮使

某

使者

請納采主人對曰某

女父之子

妹

姪惟

蠢愚

又弗能教吾子命之某不敢辭

儀禮先使摯往來傳命別有致命之辭今從簡

北向再拜

此敬壻父之命非拜賓也

賓避席立不荅拜

奉使不敢與尊長抗禮

主人賓皆進就兩楹間並立南向賓授鴈主人受之以

授執事者乃交授書

書者別書納采問名之辭於紙後繫年月日婚主官位姓名止賓主

各懷之既授鴈因交相授書壻家書藏女納于懷退各  
家女家書藏壻家以代今之世俗行禮書

以授執事者賓降出門東向立

問名

主人降階立俟于門內之東西向使摯者出請事

摯者主人

擇子弟為之

賓曰請問名摯者入告主人出延賓賓執鴈復

入門與主人揖讓升堂復前位賓曰某

使者名

既受命將

加諸卜敢問女為誰氏對曰吾子有命且以備數而擇  
之某不敢辭女子第幾賓授鴈交授書降出主人立于



門內如初擯者出延賓曰請醴從者對曰某既得將事  
矣敢辭主人曰敢固以請賓曰某辭不得命敢不從遂  
入與主人揖讓拜起使者舊拜主人飲酒三行或設食  
以退如常儀

納吉

歸卜得吉兆復使使者往告婚姻之事于是  
定計納采之前已卜矣于此告女家以成六

禮也

納吉用鴈賓曰吾子有貺命某

壻父名

加諸卜占曰吉使

某使者名也敢告主人對曰某

女父名

之子不教惟恐弗堪

子有吉我與在某

名女父

不敢辭

餘如納采禮

納幣

士婚禮納徽玄纁束帛儷皮如納吉禮注徽成也使者納幣以成婚禮用玄纁者象陰陽

備也束帛十端儷兩也執束帛以致命兩皮為庭實皮鹿皮

納幣用雜色繒五匹為束

且纁既染為玄纁則不堪他用且恐貧家不能辦故但雜色

繒五匹卷其兩端合為一束而已

兩鹿皮使者執束帛執事者二人執

皮反之令文在內左手執前兩足右手執後兩足隨賓

入門及庭三分之一而止北向西上賓與主人揖讓升

堂賓曰吾子有嘉命貺室某

使者名

也請納幣主人對曰

吾子順先典貺某

名女父

重禮某不敢辭敢不承命于賓

之致命也執皮者釋外足復之今文在外於主人之受幣也主人之執事者二人自東來出於執皮者之後受皮於執皮者之左逆從東出餘如納吉禮

請期

夫家卜得吉日使使者往告之

請期用鴈賓曰吾子有賜命某

名壻夫

既申受命矣使某

名使者也請吉日主人曰某既前受命矣惟命是聽賓曰

某

壻父

命某

名使者

聽命于吾子主人曰某固惟命是聽

賓曰某使某受命吾子不許某敢不告期曰某日主人  
曰某敢不謹須餘如納幣禮

親迎

前期一日女氏使人張陳其壻之室

俗謂之鋪房古雖

用不可廢也牀榻薦席椅桌之類壻家當具之櫛櫛帳幔帷幕  
幔衾綯之類女家當具之所張陳者但櫛櫛帳幔帷幕  
之類應用之物其衣服襪履等不用者皆鎖之篋笥也  
俗盡陳之欲矜誇富多此乃婢妾小人之態不足為也  
文中子曰昏娶而論財鄙俗之道也夫婚姻者所以合  
二姓之好上以事宗廟下以繼後世也今世俗之貪鄙  
者將娶婦先問資裝之厚薄將嫁女先問聘財之多少  
至于立契約云某物若干某物若干以求售某女者亦

有既嫁而復欺給負約者是乃駙僧鬻奴賣婢之法豈得謂之士大夫婚姻哉其舅姑既被欺給則殘虐其婦以掩其怒由是愛其女者務厚資裝以悅其舅姑殊不知彼貪鄙之人不可盛厭資裝既竭則安用汝力哉于是質其女以責貨于女氏貨有盡而責無窮故婚姻之家往往終為仇讎矣是以世俗生男則喜生女則戚至有不舉其女者因此故也然則議婚姻有及於財者皆勿與為婚姻可也絢音陶祖朗切僧工外切及期壻具盛饌古者同牢而食必殺牲開元禮一品以下用少牢六品以下用特牲恐非貧家所便故止具盛饌而已設盟盆二於阼階東南皆有巾盥盆中央有

勺設倚桌各二於室中東西相向各置盃匕箸蔬菓於

桌子上罩之

士婚禮膝布席于奧夫婦入于室即席婦尊西南面既設饌御布對席今室堂之制

異于古故但東西向而已古者命士以上父子皆異宮故各有堂室與昨今則不然子舍隘狹或東西北向皆不可知今假設南向之室而言之酒壺在東席之後墉左為東右為西前為南後為北

下置合卺一注於其南桌子上

卺以匏剖而為二音謹

又設酒壺

於室外亦一注有盃

此所以飲從者也室外隘則于側近別室置之其盃數為時量人之

多少又設酒壺盃注於堂上初婚壻盛服

世俗新壻盛戴花勝擁蔽

其首珠失丈夫之容體必不得已且隨俗戴花一兩枝勝一兩枝可也

主人亦盛服坐于

堂之東序西向設壻席于其西北南向壻升自西階立

于席西南向贊者

兩家各擇親戚婦人習于禮者為之凡壻及婦行禮皆贊者相導之取

盃斟酒執之詣壻席前北向立壻再拜升席南向受盃

跪祭酒興就席未坐啐酒興降西授贊者盃又再拜所

謂醴也

進詣父座前東向跪父命之曰往迎爾相承我宗

事勉率以謹若則有常

祖父在則祖父命之也

子曰諾惟恐弗堪

不敢忘命俛伏興再拜出乘馬至于女氏之門外下馬

俟于次

女家必先設壻次于外

女家亦設酒壺盃注於堂上於壻

之將至女盛飾姆相其禮

姆音茂以乳母或老女僕為之

奉女立于室

戶外南面姆在其右從者在後父坐于東序西向母坐

于西序東向

祖父母在則祖父母醮而命之

設婦席于母之東北南向

贊者醮以酒如壻父醮子之儀姆導女出於母左父少

進命之曰戒之謹之夙夜無違爾舅姑之命母送女至

于西階上為之整冠斂帔命之曰勉之謹之夙夜無違

爾閨門之禮諸母姑嫂姊送于中門之內為之整裙衫

申以父母之命曰謹聽爾父母之言夙夜無愆父既醮

女即先出迎婿于門外揖讓以入壻執鴈以從至于廳

事主人升自阼階立西向壻升自西階北向跪置鴈于



地主人侍者受之壻俛伏興再拜主人不荅拜姆奉女

出于中門壻揖之降自西階以出婦從後主人不降送

壻至婦攬車後之右舉簾以俟姆辭曰未教不足與為

禮也

士婚禮壻御婦車授繯姆辭不受注壻御者親而下之繯所以引升車者僕人之禮必授人繯今車

無繯故舉簾以代之

壻乃自車右由車前過立于左轅側姆奉婦

登車下簾壻右執策左撫轅行驅車輪三周止車以俟

今婦人車有攬車可乘而世俗重檐子輕攬車借使親迎時暫乘攬車庸何傷哉然人亦有性不能乘車乘之即嘔吐者如此則自乘檐子其御輪壻乘馬在前婦車三周之禮更無所施姆亦無所用矣

在後亦以二燭前導

男率女女從男夫婦剛柔之義自此始也

壻先至廳事

婦下車揖之遂導以入婦從之執事先設香酒脯醢於

影堂

無脯醢量具穀羞一兩味

舅姑盛服立於影堂之上舅在東

姑在西相向贊者導壻與婦至于階下北向東上

無階則立

于影堂前

主人進北向立焚香跪酌酒俛伏興立祝懷辭由

主人之左進東面揖笏出辭跪讀之曰某壻名以今月吉

日迎婦某

姓婦

婚事見祖禰祝懷辭出笏興主人再拜退

復位壻與婦拜如常儀出撤闔影堂前

古無此禮今謂之拜先靈亦不

可廢贊者導壻揖婦而先婦從之適其室壻立于南盟

之西婦立于北盟之西皆東向婦從者沃壻盟于南壻

從者沃婦盟于北

從者各以其家之女僕為之前准此

悅巾畢揖而行升

自西階

士婚禮及寢門揖入升自西階媵御沃盟交注媵送也謂女從者也御音訝御迎也謂壻從者

也媵沃壻盟于南洗御沃婦盟于北洗夫婦始接情有廉恥媵御交導其志按洗在阼階東南既升階不云降

階何由復至洗所婦從者布席于閭內東方壻從者布

席于西方壻婦踰閭壻立于東席婦立于西席婦拜壻

答拜

古者婦人與丈夫為禮則使拜鄉里舊俗男女相拜女子先一拜男子拜女一拜女子又一拜蓋由

男子以再拜為禮女子以四拜為禮故也古無壻婦交拜之儀今世俗始相見交拜拜致恭亦事理之宜不可廢也俠壻揖婦就坐壻東婦西古者同牢之禮壻在東西面婦在東西面蓋古

人尚右故壻在西尊之也壻從者徹幕置饌壻婦皆先今人既尚左且須從俗

祭後食食畢壻從者啓壺入酒于注斟酒壻揖婦祭酒

舉飲置酒舉殽殽者乃今又斟酒舉飲不祭無殽又取

盃分置壻婦之前斟酒舉飲不祭無殽壻出就他室姆

與婦留室中乃徹饌置室外設席壻從者餽婦之餘婦

從者餽壻之餘壻復入室脫服婦從者受之婦脫服壻

從者受之燭出

古詩云結髮為夫婦言自揖齒始結髮以來即為夫婦猶李廣云廣結髮與匈奴

奴戰也今世俗有結髮之儀此尤可笑

於壻婦之適其室也主人以酒饌

禮男賓於外廳主婦以酒饌禮女賓于中堂如常儀

明日舅姑乃享送者今從俗

不用樂

曾子問曰取婦之家三日不舉樂思嗣親也今俗婚禮用樂殊

為非禮

書儀卷三

欽定四庫全書

書儀卷四

宋 司馬光 撰

婚儀下

婦見舅姑

婦明日夙興盛服飾俟見舅姑執事者設盥盆於堂阼  
階下帨架在北兄弟姊妹立於盆東如冠禮男女異列  
男在西女在東皆北上平明舅姑坐于堂上東西相向

各置卓子于前贊者見婦于舅姑婦北面拜舅于堂下

古者拜于堂上

執筭

古筭制度漢世已不能知今但取小箱以帛衣之皂表緋裏以代筭

可也實以棗栗升自西階進至舅前北向奠于卓子上舅

撫之侍者徹去婦降又拜舅畢乃拜姑別受筭實以脰

脰

脰脰今之暴脯是也

升進至姑前北向奠於卓子上姑舉之以

授侍者婦降又別執事者設席於姑之北南向設酒壺

及注盃卓子于堂上婦升立於席西南面贊者醴婦如

父母醢女之儀婦降西階就兄弟姊妹之前其長屬應



受拜者少進立婦乃拜之無贅拜畢長屬退長屬雖多共為一列

受拜以簡易幼屬應相拜者今世俗小郎小姑皆相拜少進相拜畢退無

贅若有尊屬則婦往拜于其室婦退休於其室至食時行

盥饋之禮婦家具盛饌酒壺士婚禮婦盥饋特豚合升側載注側載者右胖戴之

舅祖左胖戴之姑祖今恐貧者不便殺牲故但具盛饌而已婦從者設蔬果卓子于

堂上舅姑之前設盥盆於阼階東南悅架在東婦盥于

阼階下執饌自西階升几子婦升降皆應自西階惟冢婦受享畢降自阼階薦于

舅姑侍立于姑之後饌有繼至者侍者傳致于西階不

盡一級婦往受之薦于舅姑侍者徹餘饌置于旁側別室舅姑侍者各置一卓子上食畢婦降拜舅升洗盃斟酒置舅卓子上降俟舅舉酒飲畢又拜遂獻姑姑受而飲之餘如獻舅之儀婦升徹飯侍者徹其餘皆置別室婦就餽姑之饌畢婦從者餽舅之餘壻從者餽婦之餘舅姑共饗婦于堂上設席如朝來禮婦之位婦升立于席西南向贊者取盃斟酒授婦皆如朝來禮婦之儀舅姑先降自西階婦降自阼階

此謂冢婦也餘婦則舅姑不降婦降自西階古者庶

婦不饋然饋主供養雖庶婦不可闕也若舅姑已沒則古有三月廟見之禮今已拜先靈更不行若舅姑止一人則舅坐于東序姑坐于西序庶婦于姑坐之北

### 壻見婦之父母

明日壻往見婦之父母皆有幣婦父迎送揖讓皆如客禮拜即跪而扶之入見婦母婦母闔門左扉立於門內壻拜于門外次見妻黨諸親拜起皆如俗儀而無幣見諸婦女如見婦母之禮婦家設酒饌壻如常儀親迎之夕不當設酒饌以婦未見舅姑故也

居家雜儀

凡為家長必謹守禮法以御羣子弟及家衆分之以職

謂使之掌倉廩  
廩庫庖厨之類

授之以事

謂朝夕所幹  
及非常之事

而責其成功制

財用之節量入以為出稱家之有無以給上下之衣食

及吉凶之費皆有品節而莫不均壹裁省冗費禁止奢

華常須稍存贏餘以備不虞

凡諸卑幼事無大小毋得專行必咨稟於家長

易曰家  
人有嚴

君焉父母之謂也安有嚴君在上而其下敢直行自恣  
不顧者乎雖非父母當時為家長者亦當咨稟而行之

則號令出于一人家  
政始可得而治矣

凡為子婦者毋得畜私財俸祿及田宅所入盡歸之父

母舅姑當用則請而用之不敢私假不敢私與子婦無

私貨無私畜無私器不敢私假不敢私與婦或賜之飲

食衣服布帛佩帨蒞蘭則受而獻諸舅姑舅姑受之則

喜如新受賜若反賜之則辭不得命如更受賜藏之以

待之鄭康成曰待舅姑之乏也不得命者不見許也又

曰婦若有私親兄弟將與之則必復請其故賜而後與

之夫人子之身父母之身也身且不敢自有况敢有私

財乎若父子異財互相假借則是有子富而父母貧者

父母饑而子飽者賈誼所謂借父糧鋤慮有德色母取

箕箒立而許語不孝不義孰大

于此蒞昌改切擾音憂許音碎

凡父母有過下氣怡色柔聲以諫諫若不入起敬起孝  
說則復諫不說與其得罪于鄉黨州閭寧熟諫父母怒  
不說而撻之流血不敢疾怨起敬起孝凡為人子弟者

不敢以富貴加于父兄宗族

加謂恃其富貴  
不率卑幼之禮

凡為人子者出必告反必面有賓客不敢坐于正廳無書

院則坐于  
廳之旁側升降不敢由東階上下馬不敢當廳凡事不

敢自擬於其父

凡父母舅姑有疾子婦無故不離側親調嘗藥餌而供

之父母有疾子色不滿容不戲笑不宴遊捨置餘事專

以迎醫

顏氏家訓曰父母在疾子拜醫以求藥蓋以醫者親之存亡所繫豈可倣忽也

檢方合

藥為務疾已復初

凡子事父母父母所愛亦當愛之所敬亦當敬之至于

犬馬盡然而況于人乎

凡子事父母樂其心不違其志樂其耳目安其寢處以  
其飲食奉養之幼事長賤事貴皆倣此也

凡子婦未敬未孝不可遽有憎疾姑教之若不可教然

後怒之若不可怒然後答之屢答而終不改子放婦出  
然亦不明言其犯禮也子甚宜其妻父母不悅出子不  
宜其妻父母曰是善事我子行夫婦之禮焉沒身不衰  
凡為宮室必辨內外深宮固門內外不共井不共浴室  
不共廁男治外事女治內事男子晝無故不處私室婦  
人無故不窺中門有故出中門必擁蔽其面如蓋頭面  
帽之類  
男子夜行以燭男僕非有繕修及有大故大故謂水火  
盜賊之類  
亦必以袖遮其面女僕無故不出中門蓋小婢  
亦然有故出



中門亦必擁蔽其面鈴下蒼頭但主通內外之言傳致  
內外之物毋得輒升堂室入庖厨

凡卑幼坐而尊長過之則起出遇尊長于塗則下馬不  
見尊長經再宿以上則再拜五宿以上則四拜賀冬至  
正旦六拜朔望四拜凡拜數或尊長臨時減而止之則  
從尊長之命吾家同居宗族衆多冬正朔望宗族聚于

堂上

此假設南面之堂若  
宅舍異制臨時從宜

丈夫處左西上婦人處右東

上

左右謂家  
長之左右

皆北向共為一列各以長幼為序

婦以夫  
之長幼

為序不以共拜家長畢長凡立于門之左長姊立于門  
身之長幼

之右皆南向諸弟妹以次拜訖各就列丈夫西上婦人

東上共受卑幼拜

以宗族多若人人致拜則不勝煩勞故同列共受之

受拜訖先

退後輩立受拜于門東西如前輩之儀若卑幼自遠方

至見尊長遇尊長三人以上同處者先共再拜叙寒暄

問起居訖又三再拜而止

晨夜唱喏萬福安置若尊長三人以上同處亦三而止皆

所以避煩也

凡受女婿及外甥拜立而扶

扶謂搗策

外孫則立而受之可

也

凡節序及非時家宴上壽于家長卑幼盛服序立如朔望之儀先再拜子弟之最長者一人進立于家長之前幼者一人搢笏執酒盞立于其左一人搢笏執酒注立于其右長者搢笏跪斟酒祝曰伏願某官備膺五福保族宜家授幼者盞注返其故處長者出笏俛伏興退與卑幼皆再拜家長命諸卑幼坐皆再拜而坐家長命侍者徧酢諸卑幼諸卑幼皆起叙立如前俱再拜就坐飲

訖家長命易服皆退易便服還復就坐

凡子始生若為之求乳母必擇良家婦人稍溫謹者

不良非惟敗亂家法兼令子能食飼之教以右手子能

言教之自名及唱喏萬福安置稍有知則教之以恭敬

尊長有不識尊卑長幼者則嚴訶禁之

古有胎教況于已生子始生未

有知固舉以禮況于已有知孔子曰幼成若天性習慣如自然顏氏家訓曰教婦初來教子嬰孩故慎在其始此其理也若夫子之幼也使之不知尊卑長幼之禮每致侮詈父母毆擊兄弟父母不加訶禁反笑而獎之彼既未辨好惡謂禮當然及其既長習已成性乃怒而禁之不可復制于是父疾其子子怨其父殘惡悖逆無所

不至此蓋父母無深識遠慮不能防  
微杜漸溺于小慈養成其惡故也 六歲教之數  
謂一百

千與方名

謂東西南北

男子始習書字女子始習女工之小

者七歲男女不同席不共食始誦孝經論語雖女子亦

宜誦之自七歲以下謂之孺子早寢晏起食無時八歲

出入門戶及即席飲食必後長者始教之以謙讓男子

誦尚書女子不出中門九歲男子讀春秋及諸史始為

之講解使曉義理女子亦為之講解論語孝經及列女

傳女戒之類略曉大意

古之賢女無不觀圖史以自鑒如曹大家之徒皆精通經術論

議明正今人或教女子以作歌詩執俗樂殊非所宜也

十歲男子出就外傳居宿

于外讀詩禮傳為之講解使知仁義禮智信自是以往

可以讀孟荀揚子博觀羣書凡所讀書必擇其精要者

而誦之

如禮記學記大學中庸樂記之類他書倣此

其異端非聖賢之書傳

宜禁之勿使妄觀以惑亂其志觀書皆通始可學文辭

女子則教以婉婉聽從

婉婉柔順貌婉音晚

及女工之大者

女工謂蠶

桑織績裁縫及為飲膳不惟正是婦人之職兼欲使之知衣食所來之艱難不敢恣為奢麗至于纂組華巧之

物亦不

未冠笄者質明而起總角

音悔洗面也

面以見尊

長佐長者供養祭祀則佐執酒食若既冠笄則皆責以成人之禮不得復言童幼矣

凡內外僕妾鷄初鳴咸起櫛總盥漱衣服男僕灑掃廳事及庭鈴下蒼頭灑掃中庭女僕灑掃堂室設倚卓陳

盥漱櫛鑷之具主父主母既起則拂床褰衾褰音壁疊衣也侍

立左右以備使令退而具飲食得間則浣濯紐縫先公

後私及夜則復拂床展衾當晝內外僕妾惟主人之命

各從其事以供百役凡女僕同輩謂兄弟謂長者為姊

後輩

謂諸子舍所使

謂前輩為姨

內則雖娣妾衣服飲食必後長者鄭康成曰人貴賤不可

以無禮故使

之序長幼務相雍睦其有鬪爭者主父主母聞之即

訶禁之訶禁之不止即杖之理曲者杖多一止一不止獨杖不止者凡男僕有忠信可任者重其祿能幹家事次之其專務欺詐背公徇私屢為盜竊弄權犯上者逐之凡女僕年滿不願留者縱之勤舊少過者資而嫁之其兩面二舌構虛造讒離間骨肉者逐之屢為盜竊者逐之放蕩不謹者逐之有離叛之志者逐之



欽定四庫全書

書儀

書儀卷四

欽定四庫全書

書儀卷五

宋 司馬光 撰

喪儀一

初終

附病甚

疾病

謂疾甚時也

遷居正寢內外安靜以俟氣絕

諠譁奔走固病者所

惡也悲哀哭泣傷病者心叫呼撼捩尤為不可使病者驚惶搖頓而死皆未免為不終天年故不若安恬靜默以待其氣息自盡為最善也

男子不絕於婦人之手婦人不絕於男

子之手

春秋書公薨于路寢禮之正也士喪禮死于適室注正寢之室也曾子且死猶易箒曰吾得正

而斃焉斯可矣近世孫宣公臨薨遷於外寢蓋君子慎終不得不爾也凡男子疾病婦人侍疾者雖至親當處數步之外婦人疾病男子亦然此所謂能以禮自終也

既絕諸子啼兄弟親戚侍

者皆哭各盡哀止哭

開元禮於此下即言男女易服布素及坐哭之位按喪大記惟哭先

復復然後行死事復者返也孝子之心猶冀其復生也又布素之服非始死所有今並繫之復後

復

立喪主護喪等附

侍者一人以死者之上服

按雜記喪大記復衣諸侯以衾夫人以榆狄內子以鞠衣

今從開元禮上服者有官則公服無官則襦衫或衫婦人以大袖或背子皆常經衣者

左執領右

執爵就寢庭之南北面招以衣呼曰某人復

喪大記曰凡復者男

子稱名婦人稱字今但稱官封或依常時所稱可也

凡三呼畢卷衣入復于尸上

復者招魂復魄也檀弓曰復盡愛之道有禱祠之心焉望反諸幽求諸鬼神之道也北面求諸幽之義也士喪

禮復者一人以爵弁服簪裳于衣左何之扱領于帶升自前東榮中屋北面招以衣曰臯某復三降衣于前受

用篋升自阼階以衣尸復者降自後西榮簪連也臯長聲也降衣下之也受者受之於庭也衣尸者復之若得

魂返之也降因徹西北扉開元禮亦倣此今升屋而號慮其驚衆故但就寢庭之南面而已

然後行

死事立喪主

凡主人當以長子為之無長子則長孫承重奔喪曰凡喪父在父為主注與賓客為

禮宜使尊者又曰父沒兄弟同居各主其喪注各為妻子之喪為主也又曰親同長者主之鄭康成曰昆弟之

喪宗子主之又曰不同親者主之注從父昆弟之喪也  
雜記曰姑姊妹其夫死而夫黨無兄弟使夫之族人主  
喪妻之黨雖親弗主夫若无族矣則前後家東西家无  
有則里尹主之伯高死于衛赴於孔子孔子曰夫由賜  
也見我哭諸賜氏遂命子貢為之主曰為爾哭也來者  
拜之喪大記曰喪有无後无无主若子孫有喪而祖父  
主之子孫執**主婦**孔穎達檀弓啜主人主婦正義曰主  
喪祖父拜賓**主婦**人亡者之子主婦亡者之妻若亡者  
无妻及母之喪則以**護喪**以家長或子孫能幹事知禮  
主人之妻為主婦者一人為之凡喪事皆稟焉  
若主人未成服不出則代主人受吊拜賓及受賻**司**  
古禮初喪主人常在尸側惟君命出出而過賓則拜**司**  
**書**以子弟或吏人能書札**司貨**以子弟或吏僕可委信  
者為之掌糾書疏之事者為之掌糾貨賄之事  
置冊以謹其出入親賓有賻襚則書於  
別冊收之以待喪用其衣服不以襲斂

# 易服

既復妻子婦妾皆去冠及上服

上服謂衫帶背子之類

被髮男子

扱上衽

謂揄衣前襟之類

徒跣婦人不徒跣男子為人後者為

本生父母及女子已嫁者皆不被髮徒跣但去冠及上

服凡齊衰以下內外有服親及在喪側給事者皆釋去

華盛之服

謂錦繡緋紅金玉珠翠之類

著素淡之衣

問喪親始死筭纁徒跣扱上衽

注親始死去冠二日先去筭纁括髮也上衽深衣之裳前開元禮初終男子易以白布衣披髮徒跣婦人易以

青縑衣披髮不徒跣為人後者為本生父母素冠不徒跣女子已嫁者髻齊衰以下丈夫素冠婦人去首飾內

外皆素服按笄纓今人平日所不服被髮尤哀毀无容  
故從開元禮然白布青縑衣素冠素服皆非始死所能  
辦故但釋去華盛之服本應三年喪者則去冠及上服  
期喪以下士大夫帽子皂衫青黃勒帛庶人不改常服  
禮男子括髮婦人多髻故於始死時期喪以下但去首  
飾易華盛之服而已世俗多忌諱或為父則被左髮母  
則被右髮舅則被後左姑則被後右皆非禮宜全被之

訃告

訃音赴

護喪司書為之發書訃告於親戚及僚友

檀弓曰父兄命赴者然則

主人不自赴也若无護喪及司書則主人自赴親戚不  
赴僚友劉岳書儀卒哭然後發外人書疏蓋以哀痛方  
深不暇與人通問故也然問候慶賀之書居喪誠不當  
發必若有事不獲已須至有聞於人者雖未卒哭豈可



以不  
發也

沐浴

飯含

襲

始死之奠  
哭泣附

將沐浴則以帷障卧内侍者設牀於尸所卧牀前縱置

之施簣席簟枕不施氈褥

古者疾病廢牀人生在地去牀庶其生氣反也將沐浴則

復遷尸於牀矣故喪大記曰始死遷尸於牀幰用斂衾去死衣或遇暑月則君設大槃大夫設夷槃實以冰士

無冰則併瓦槃實以水置於牀下以寒尸今人既死乃卧尸於地訛也古者沐浴及飯含皆在牖下今室堂與

古異制故於所卧牀前置之以從宜也古者沐浴設牀袒簣袒簣者去席蓋水便也今籍以簣不設氈褥亦於

沐浴遷尸於牀上南首覆之以衾

禮運曰死者北首謂葬時也自沐浴至殯

古亦南首惟

侍者握坎於屏處潔地

士喪禮甸人掘坎于階間少西今以

孝子之心不忍朝夕見親爪髮及沐浴之具故掘坎於屏處

陳襲衣裳於堂前東北

藉以席西領南上幅巾一

古者死人不冠但以帛裹其首謂之掩士喪禮掩練帛廣

終幅長五尺析其末注掩裏首也析其末謂將結於頤下又還結於項中蓋以襲斂主于保護肌體貴於柔軟緊實冠則磊塊難安況今幘頭以鐵為腳長三尺而帽用漆紗為之上有虛簷置於棺中何由安帖莫若襲以常服上加幅巾深衣大帶及履既合於古又便於事幅巾所以代掩也其制如今之煖帽深衣帶履自有制度若无深衣帶履止用衫勒帛鞋亦得其幘

頭公服若無深衣帶履止用衫勒帛鞋亦得其幘充耳二用白

續以綿為之如棗核大用塞耳中幘目一用帛方尺二寸所以覆面者也握手

用帛長尺二寸廣五寸

所以裹手者也

深衣大帶屐若襪衣有

餘則繼陳而不用

謂親戚以衣服來襪者繼陳於襲衣之下而不用以襲也多陳之為榮少

納之為貴

又陳飯含沐浴之具於堂前西壁下南上錢三實

于小箱

檀弓曰古者飯用米貝弗忍虛也飯用貝今用錢猶古用貝也古禮諸侯飯七貝大夫五士三

大夫以上仍有珠玉錢多既不足貴又口所不容珠玉則更為盜賊之招故但用三錢而已

米二升

實於盥

古者諸侯飯用梁大夫用稷士用稻今但用鄉土所生平日所食之米可也古升小故用四升

今升大故用二升

沐巾一浴巾二設於筭

浴巾二上下體各異也

櫛置於

卓子上侍者汲新水淅米令精復實於盥侍者以沐浴

湯入主人以下皆出立於帷外北面

以其裸程子孫不可在側故也

侍

者沐髮櫛之晞之以巾撮為髻舉衾而浴

亦為其裸程故舉衾以障

之

拭之以二巾翦爪如平時其沐浴餘衣及巾櫛皆棄

於坎遂築而實之侍者別設襲牀施薦席氈褥枕如平

時先置大帶深衣袍襖汗衫袴襪勒帛裹肚之類於其

上遂舉以入置浴牀之西遷尸於其上悉去病時衣及

復衣易以新衣但未著幅巾深衣屐移置堂中間

鄭注喪大

記曰正尸謂遷尸於牖下南首也今室堂既異於古故置堂中間取其容男女夾牀哭位也

卑幼則

各於其室中間

自餘應在堂者並倣此

執事者置脯醢酒於卓

曾子

問始死之奠其餘闕也歟注不容改新也古人常畜脯醢故始死未暇別具饌但用脯醢而已今人或無脯醢但中見有食物一兩種并酒可也凡奠除酒器之外盡用素器不用金銀稜裹之物以生人有哀素之心故也

升自阼階祝盥手洗盞斟酒奠於尸東當裼巾之

裼肩頭也

士喪禮復者降楔齒綴足即奠脯醢醴酒於尸東鄭注鬼神无象設奠以憑依之開元禮五品以上如士喪禮六品以下舍而後奠今不以官品高下沐浴正尸然後設奠於事為宜奠謂斟酒奉至卓上而不酌也主人虞祭然後親奠酌巾者以辟塵蠅凡无兩階者止以階之東偏為阼階西偏為西階祝選親戚為之

主人

坐於牀東奠北衆男應服三年者坐其下皆西向南上

藉以橐同姓男子應服期者坐其後大功以下又以次  
坐其後皆西向南上尊行坐於北壁下南向西上藉以  
席薦各以服重輕昭穆長幼為叙主婦及衆婦女坐于  
牀西藉以橐同姓女子應服期以下坐於其後尊行坐  
於牀西北壁下南向東上藉以席薦亦各以服重輕昭  
穆長幼為叙如男子之儀妾婢立於婦女之後婦以夫  
之長幼  
為叙不以  
身之長幼異姓之親丈夫坐於帷外之東北向西上此  
非  
沐浴之幃謂設帷於堂  
裏所以別內外者也婦人坐於帷內之西北向東上

皆藉以席有服者在前無服者在後各以尊卑長幼為

叙若內喪

謂婦人之喪

則同姓丈夫尊卑坐於帷外之東北

向西上異姓丈夫坐於帷外之西北向東上

士喪禮主人入坐於

牀東眾主人在其後西面婦人俠牀東面鄭注眾主人在室注謂大功以上父兄姑姊妹子姪在此者又曰眾婦人戶外北面眾兄弟堂下北面注眾婦人眾兄弟小功以下喪大記曰既正尸子坐於東方卿大夫父兄子姪立于東方有司庶士哭于堂下北面夫人坐于西方內命婦姑姊妹子姪立于西方外命婦率外宗哭于堂上北面注世婦為內命婦卿大夫之妻為外命婦外宗姑姊妹之女又曰大夫之喪有命夫命婦則坐無則皆立士之喪皆坐開元禮主人坐於牀東眾主人在其後兄

弟之子以下又在其後俱西面南上妻坐于牀西妾及女子在妻之後兄弟之女以下又在其後俱東面南上藉豪坐內外之際南北隔以行惟祖父以下于惟東北壁下南面西上祖母以下于惟西北壁下南面東上皆舒席坐外姻丈夫於戶外之東北面西上婦人於主婦西南面東上皆舒席坐若內喪則尊行丈夫外親丈夫席位于前堂若戶外之左右皆南面宗親戶東西上外親戶西東上凡喪位皆以服精粗為序今堂室異制難云如古但微開元禮為哭位古者諸侯卿大夫於其宗族有君臣之義故其臣不敢坐于君側今但依士禮婢妾之外皆坐哭寒月老病之人有不堪豪及單席者三年之喪聽坐豪薦期喪以下聽加白氎於席上可也或堂宇狹隘五服不能各為一列則輕服次重服之下絕席以別之

自既復之後男女哭

擗無數

古者哭有擗踊擗拊心也踊躍也問喪曰惻怛之心痛疾之意悲哀志滿氣盛故袒而踊之所



以動體安心下氣也婦人不宜袒故發臂擊心爵踊殷  
殷田田如壞牆然悲哀痛疾之至也注爵踊踊不絕地  
也曾申問於曾子曰哭父母有常聲乎至是始就位而  
曰中路嬰兒失其母焉何常聲之有

哭盡哀止

三年之喪夜則寢於尸旁藉橐枕塊羸病者藉以草薦可也期喪以下寢於側近男女異

室外親歸其家可也

主人出左袒自面前扱於簣之右盥手洗盞

執箱以入侍者一人插匙于米盥執以從置於尸西又

一人執巾以從徹枕以巾覆面

恐飯之遺落米也

主人就尸東

由足而西牀上坐東面舉巾以匙抄米實于尸口之右

并實一錢又於左於中亦如之主人襲

謂襲所袒之衣也

復位

侍者加幅巾充耳設幘目納履乃襲深衣結大帶設握手覆以衾

銘旌

銘旌以絳帛為之廣終幅三品以上長九尺五品以上

八尺六品以下七尺書曰某官某公之柩官卑曰某君某妻曰某封

邑某氏皆無官封即隨其生時所稱以竹為杠長準銘旌置屋西階上士喪

禮為銘各以其物亡則以緇長半幅輟末長終幅廣二寸書銘于末曰某氏某之柩注無旗不命之士也末為

飾也又曰竹杠長三尺置于宇西階上注杠銘槨也檀弓曰銘明旌也以死者為不可別已故以其旗識之聞

元禮杠之長準其絳王公以下杠為龍首仍韜杠喪葬令銘旌長各有尺數

魂帛

影齋僧附

魂帛結白絹為之設櫬於尸南覆以帕置倚卓其前置魂帛於倚上設香爐杯注酒果於卓子上是為靈座倚銘旌於倚左侍者朝夕設櫬顙奉養之具皆如平生俟葬畢有祠板則埋魂帛潔地

士喪禮重木刊鑿之甸人置重於中庭三分庭一在

南注木也縣物焉曰重刊斲治鑿之為縣簪孔也又曰夏祝鬻餘飯用二鬲于西牆下注鬻餘飯以飯尸餘米為粥也又曰鬻用疏布久之繫用鬲縣于重鬻用葦席北面左衽帶用鬲賀之結于后注久謂蓋塞鬲口也鬲

竹簾也以席覆重辟屈而反兩端交於后左衽西端在上賀加也又曰祝取銘旌置於重檀弓曰重主道也注始死未作主以重主其神也士喪禮將葬甸人抗重出自道道左倚之雜記重既虞而理之注就所倚處埋之開元禮重木倣此今國家亦用之喪葬令諸重一品柱鬲六五品以上四六品已下亦然士民之家未嘗識也皆用魂帛魂帛亦主道也禮大夫無主者束帛依神今且從俗貴其簡易然世俗或用冠帽衣履裝飾如人狀此尤鄙俚不可從也又世俗皆畫影置於魂帛之後男子生時有畫像用之猶無所謂至于婦人生時深居閨闔出則乘輜輶擁蔽其面既死豈可使畫工直入深室揭掩面之帛執筆望相畫其容貌此殊為非禮勿可用也又世俗信浮屠誑誘於始死及七七日百日期年再期除喪飯僧設道場或作水陸大會寫經造像修建塔廟云為此者滅彌天罪惡必生天堂受種種快樂不為者必入地獄剉燒春磨受無邊波吒之苦殊不知人生

含氣血知痛癢或翦爪鬚髮從而燒斫之已不知苦況  
於死者形神相離形則入於黃壤腐朽消滅與木石等  
神則飄若風火不知何之假使剉燒春磨豈復知之且  
浮屠所謂天堂地獄者計亦以勸善而懲惡也苟不以  
至公行之雖鬼可得而治乎是以唐廬州刺史李丹與  
妹書曰天堂無則已有則君子登地獄無則已有則小  
人入世人親死而禱浮屠是不以其親為君子而為積  
惡有罪之小人也何待其親之不厚哉就使其親實積  
惡有罪豈賂浮屠所能免乎此則中智所共知而舉世  
滔滔而信奉之何其易惑難曉也甚者至有傾家破產  
然後已與其如此曷若早賣田營墓而葬之乎彼天堂  
地獄若果有之當與天地俱生自佛法未入中國之前  
人死而復生者亦有之矣何故無一人誤入地獄見閻  
羅等十王者耶不學者固不足與言讀書知古者亦可  
以少  
悟矣

弔酹賻襚

凡弔人者必易去華盛之服

喪大記小斂奠弔者襲裘加武帶經與主人拾踊乳

子羔裘玄冠不以弔子游弔人襲裘帶經而入古者弔服有經唐人猶著白衣衫今人無弔服故但易去華盛之

服亦不當著公服若入作名紙右卷之繫以線題其陰

酹則須具公服靴笏也面凡名紙吉者左卷之題陽面凶者反卷之陽面在左陰面在右曰某郡姓名慰同州

之人則但云同郡皆不著官職先使人通之主人未成

服則護喪為之出見賓曰竊聞某人薨沒

尊官則云薨沒或云捐館

卑官則云傾逝少年則曰夭沒後書倣此如何不淑因再拜護喪答拜曰孤

某遭此凶禍蒙慰問

若有賻禮則并言之

以未成服不敢出見不

勝哀感使某拜又再拜

此為子孫被髮徒跣者不出其餘皆出喪大記曰未小斂大夫

為君命士為大夫出主人升降未敢由阼階禮也

賓答拜自餘如常儀其所賻

襚者則先遣人以書致之

書儀在後

然後往弔既弔而致之

亦可也

詩云凡民有喪匍匐救之故古有含襚賻賻之禮珠玉曰含衣衾曰襚車馬曰賻貨財曰賻皆

所以矜恤喪家助其斂葬也今人皆送紙錢增作諸偽物焚為灰燼何益喪家不若復賻襚之禮既不珠玉則含禮可廢又今人亦無以車馬助喪者則賻禮亦不必存也凡金帛錢穀之類皆可謂之貨財其多少之數則无常準繫其家之貧富親之遠近情之厚薄自片衣尺帛百錢斗粟以上皆可行之勝於无也孔子遇舊館人

之喪入而哭之哀出使子貢脫驂而賻之曰子惡夫涕之無從也蓋君子行禮情與物必相副苟弔哭雖哀而無賻祿以將之亦君子所恥也前漢王丹友人喪親河南太守陳遵為護喪事賻助甚豐丹乃懷縑一疋陳之於主人前曰如丹此縑出自機杼遵聞而有慙色然則物豐而誠不副亦君子所不為也古記曰不以靡沒禮不以非廢禮此之謂也昔子碩欲以賻布之餘具祭器子柳不可曰君子不家於喪請班諸兄弟之貧者然則為人之子孫者豈可幸其親之喪以利其家耶彼為祭器且不可況實囊橐增產業乎故當使司貨別置冊收之古者袒而讀賵賵賓致命將行主人之使又讀賵所以存錄之今宜俟其人至則司貨以冊示之知其得達於主人也其物專供喪用

凡賻祿之物執事者必先執之

北面白尸柩

雜記曰凡將命鄉殯將命蓋含祿賵賻主為死者故也若已葬則白於靈座

然



後白主人次白護喪以授司貨書於別冊而藏以待喪

用其同族有服之親賻襚之物不白主人以通財故也

若主人已成服則衰經杖哭而

禮受弔不迎賓而送之

賓進弔主

人曰某罪逆深重禍延某親蒙賜慰問不勝哀感稽顙

而後拜

稽顙謂以頭觸地若非三年之喪則拜後稽顙

賓答拜

自非親戚雖平日受拜至是須

賓主相拜

主人置杖坐兀子不設坐褥或設白褥茶湯至則

不執托子賓退釋杖而送之

此皆俗禮然亦表哀素之心故從之

其非三

年之喪未成服則小帽勒帛既成服則服其服而出辭

云私門不幸某親喪亡蒙賜慰問不勝哀感拜而後稽

顙餘皆如常儀凡弔人者必有感容

曲禮臨喪不笑入臨不翔檀弓曰行

弔之日不飲酒食肉孔子於是日哭則不歌又食於喪者之側未嘗飽也若在喪者談笑諧謔豈弔人之道耶

若賓與亡者為執友則入酌

婦人非親友及與其子為執友嘗升堂拜母者則不

入名紙既通喪家於靈座前炷香澆茶斟酒設席褥家

人皆哭若主人未成服則護喪出延賓曰孤某須矣賓

入至靈前哭盡哀

古禮弔人無不哭者世人皆以無涕為偽哭故耻之弔酌多不哭人之性

自有少涕淚者不可必責于人孔子弔於舊館而出涕亦鮮矣若知生而不知死勿哭可也若親戚朋友死安

可以不哭哉

乃焚香再拜跪酌茶酒俯伏興再拜主人披髮

徒跣扱上衽自梳左哭而出賓東向弔主人西向稽顙

再拜

秦穆公弔公子重耳重耳稽顙不拜以未為後是故不成拜今人衆子皆拜非禮也然恐難頓改

賓答拜主人興進謝曰某罪逆深重禍延某親蒙賜沃

酌不勝哀感又再拜賓答拜賓主相向哭盡哀賓先止

寬釋主人曰修短有命痛毒奈何望抑損孝思俯從禮

制

主人官尊則云伏望

揖而出主人不送哭而反護喪為之送賓

若主人已成服則自出受弔畢若賓請入酌則主人命

炷香斟茶酒於靈座前家人皆哭主人揖賓遂導賓哭而入賓亦哭而入至靈座前主人立于賓東北向立哭賓酹如上儀酹畢主人西向謝賓曰已辱臨弔重煩沃酹不勝哀感稽顙再拜賓答拜相向哭寬釋如上儀賓出主人送至聽事如常儀自有三年之喪則不出弔人

為其以人之親忘己之親故也

期喪十一月以後可以出弔如有服而

將往哭之則服其服而往

謂有服之親死而往哭之非弔也服其服謂服新死者之

服也事見雜記檀弓曰有殯聞遠兄弟之喪雖總必往非兄弟雖隣不往若執友死雖齊衰亦可以往哭曾子

之哭子凡弔及送喪葬者必助其喪事而勿擾也

助謂問其

所乏分導營辦貧者為之執紼  
賁土之類擾謂受其飲食財貨

### 小斂

厥明陳小斂衣于堂東北下以席

凡斂葬者孝子愛親之肌體不欲使為物

所毀傷故裏之衣衾盛于棺槨深藏之於地下檀弓曰  
喪三日而殯凡附於身者必誠必信勿之有悔焉耳矣

三月而葬凡附於棺者必誠必信勿之有悔焉耳矣古  
者死之明日小斂又明日大斂顛倒衣裳使之正方束

以絞衾韜以衾冒皆所以保其肌體也今世俗有襲而  
無大小斂所闕多矣然古者士襲衣三稱大夫五稱諸

侯七稱公九稱小斂尊卑通用十九稱大斂士三十稱  
大夫五十稱君百稱此非貧者所辦也今從簡易襲用

衣一稱小大斂則據死者所有之衣及親友所祔之衣  
隨宜用之若衣多不必盡用也夏后氏斂用昏商人斂  
用日中周人斂用日出  
今事辦則斂不拘何時設桌子於阼階東用置饌及盃

注於其上冪之以巾

古者小斂之奠用牲今人所難辦但如待賓客之食品味稍多於始

死之奠則可也

設盥盆二帨巾各二於饌

其東有臺祝所盥其西无臺執事者所盥

中各有架

別以桌子設潔滌盆新拭巾於其東

所以洗盥拭盥自此

至遣奠皆同

具括髮麻免布及髻麻

古者主人素冠環經視小斂既而男子括髮婦

人髻皆有首經髻經始死去冠二日去笄纚括髮男子括髮以麻婦人髻帶麻髻者去纚為紒也南宮縚之妻之姑之喪夫子誨之髻榛以為笄長尺而總八寸喪服小記惡笄終喪今恐倉卒未能具冠經故於小斂訖男

子婦人皆收髮為髻先用麻繩撮髻又以布為頭帶斬  
衰者括髮紐麻為繩齊衰以下至同五世祖者皆免列  
布或縫絹廣寸婦人髻亦紐麻為繩齊衰以下亦用布  
絹為免皆如髻頭之制自項向前交于額上卻遶髻如  
著髻頭也為母雖齊衰亦用麻婦人惡筭當用鋸釵或  
竹木骨角為簪至於鑲釧之類用金銀者居喪盡當去  
之

設小斂牀施薦席氈褥於西階之西執事者鋪絞

以絞

細布或絹為之一幅析為三鋪橫三於下縱一於上橫  
者足以周身相結縱者上足以掩首下足以掩足古者  
折其末使可結然布強而闊難結

不若於兩端各綴二絹帶則緊急

複衾小斂衣于牀或

顛或倒取方而已

斂時平鋪其衣不復穿袖又去枕舒  
絹或疊衣藉首卷其兩端夾首兩旁

以補肩上空虛之處又卷衣以夾兩脛然後以餘衣掩  
尸裹之以衾末掩其面蓋孝子猶俟其復生欲時見其

面故也及將大斂則并掩首裏之束之以絞使其形正方適足滿棺鋪時即依此次叙 上衣不倒

上衣謂公服襪衫之類故尊之執事者舉牀自西階升堂設於中間襲

牀之南古者小斂席于戶內設牀第於兩楹之間既斂移於堂今堂室之制異於古且從簡易故小斂

亦於中間乃遷襲奠卓子下

棺槨原本全文俱闕

### 大斂殯

原本上即又揣其空缺之處卷衣塞之務令充實不可

文闕搖動慎勿以金玉珍玩置棺中啓盜賊心收衾先掩足



次掩首次掩左次掩右令棺中平滿主人主婦憑哭盡  
哀婦人退入幕下然後召匠加蓋下釘徹小斂牀役者

累塹塗殯訖祝取銘旌設附立於賓東

附杠足也其制如入衣架

復設靈座於故處主人以下皆復位如故凡動尸舉柩主

人以下哭擗無筭

曲禮在床曰尸在棺曰柩若無護喪則主人當輟哭親視殯斂務令安固


不可但哭而已祝帥執事者盥手舉新饌自阼階升置靈座前

祝焚香洗盞斟酒奠之卑幼再拜哭皆如小斂奠之儀

士喪禮卒塗祝取銘置于殯主人復位踊襲注為銘設附樹之殯東又曰乃奠燭升自阼階祝執巾席從設于

奧東面注自是不復奠于尸室中西南隅謂之奧既夕  
記燕養饋羞湯沐之饋如生日注燕養所用供養也饋  
朝夕食也羞四時之珍異孝子不忍一日廢其事親之  
禮於下室日設之如生也又曰朔月若薦新則不饋於  
下室注以殷奠有黍稷也開元禮三品以上將奠執巾  
几席者升自阼階入設于室之西南隅東面贊者以饌  
升入室西面設於席前六品以下設於靈座前席殯於  
外者施蓋訖設大斂之奠於殯東既殯設靈座於下室  
西間東向施床几案屏障服飾以時上膳羞及湯沐皆  
如平生下室者謂燕寢無下室則設靈座於殯東按古  
者室中牖在西戶在東故設神座於西南隅東面得其  
宜也今士大夫家既不可殯於聽事則正室之外別無  
燕寢又朝夕之奠何嘗不用飯而更設靈座於下室西  
間東向兩處饋奠甚無謂也又靈座若在殯而奠於殯  
東亦無禮也今但設奠  
主人以下各歸其次留婦人兩  
於靈座前庶從簡易

人守殯共止代哭者



書儀卷五